

Ḳapiya Sën Yakobus Kevu Vu Kerisi-yi-alam

1 ¹ Sa Yakobus, Anutu luho Mehöböp Yesu Kerisi hir hur sa, lob sa ḱevu ḱapiya sënë yök vu ham Israel degwa nemadluho-mevidek-luu sagi, sën ham vuu ham nyëg ya geham kwetëḱin ham beyök nedo nyëg ngwëga. Ham medo nivesa.

Seggisën Nevong Niwëëk Vu Hil

² Arig lo, nabë ngaa maggin aggagga nam seggi ham, og ham kwamin vesa in. ³ In ham ngo raḱ ni bë ngaa saga töḱ vu ham in bë seggi nabë ham ayomin neya timu vu Yesu ma ma. Log netöḱ vu ham in bë ham bare niwëëk. ⁴ Nebë sënë, om ham bare niwëëk bekwerë maggin noh vu buk in ham natu Anutu yi mehönon yohvu los dahis, geham su jaḱ vu in ngaa nivesa ti.

Mehöti Bë Jaḱ Vu In Kwa Nivesa Og Bengev Jaḱ

⁵ Bë ham ti duḱin mekwa kwa, og yi yö ketaḱ vu Anutu nabë tato aggata niröp vu yi, gemëm Anutu sën nenḱo yi alam pin ayej gesu neggulin ngaa rë lo rëḱ tato vu yi. ⁶ Rëḱ mu mehö sën neketaḱ lo gevong geving nabë Anutu rëḱ genḱo aye, gaḱ su kwa na luu luu. In mehö sën kwa neya luu luu lo, og sënë nebë loo sën nesis yam rëḱ sang nevë benetëë ya jeggin jeggin lo. ⁷ Alam nebë sënë og su degekuung nabë Mehöböp rëḱ bo ngaa ti vu sir. ⁸ Gaḱ rëḱ nama, in alam nebë sënë kwaj neya jeggin jeggin bedenener ngaa raḱ raḱ.

Alam Ḳupeḱ Masën Galam Los Ḳupeḱ Ngahi

⁹ Log hil arid sën yi mehö meris lo, kwa vesa in Anutu ḱo arë raḱ vorot. ¹⁰ Log hil arid sën mehö bengö-ggoreksën lo, og kwa vesa in Anutu dahun yi, bemedo mala yes. In yi ḱupeḱ lu ngaa su rëḱ doḱ vu yi rë, gaḱ rëḱ nadiiḱ nabë sesik sën nare vos ayo lo. ¹¹ In hes verup netum beniḱerus rot, lob vong bevos pin meran ya gesesik rurin to pevis beni malangeri saga mala maya. Om alam sën bengöj-ggoreksën lo og rëḱ nahën medo degevong hir huk loḱ denadiiḱ pevis nabë sënë.

Seggisën Yi Gâgek

¹²Nabë mehöti bare niwëëk mekerë ngaa maggin sën seggi yi lo, og kwa vesa. In Anutu rëk gevong nyëvewen vu bemedo mala-tumsën nabë sën nër vorot bë rëk gevong vu alam pin sën ahëj neving yi lo. ¹³Rëk nabë mehöti kwa vo bë gevong ngaa nipaya ti, og su nanër nabë, “Anutu vong seggisën sënë vu sa!” In Anutu su kwa nevo ngaa nipaya menevong rë, log su neli mehönon loḵ ya ngaa nipaya in bë seggi sir rë. ¹⁴Rëk mu seggisën degwa nebë hil pin ti ti ngo kwad nevo ngaa nipaya behil nesepa loḵ in bë hil gevong. ¹⁵Log bë hil kwad bo ngaa nipaya rot, og hil rëk gevong banon jaḵ benatu ngaa nipaya begëp vu hil. Lob nabë ngaa nipaya saga böpata jaḵ begërin hil ayod, og rëk gevong behil malad nama.

¹⁶Sarig lo, sahëg neving ham om ham gwegin ham, beham su kwetul doḵ in gâgek sënë. ¹⁷Ngaa nivesa vesa los ngaa anon pin sën netöḵ vu hil lo neyam vu hil Amad vu vavunë. Hil Amad sënë tung hes los kwev gebetuheng pin, rëk buk vahi og su denetum nivesa rë. Rëk mu Anutu og nesepa loḵ aggata timu gesu nepekwë yi benevong ngaa nipaya yam rë. ¹⁸Yö kwa vo lob vong yi gâgek anon yam in bë gërin hil nah vu yi bemëm hil natu yi alam muḡinsën kesuu ngaa pin sën netung lo.

Hil Pin Gango Gâgek Betamuin Geving

¹⁹Sarig lo, sahëg neving ham yönon, om ham jaḵ ngaa sënë ni nivesa rot. Ham semu ham pevis in gwengö gâgek, rëk mu ham su newa newa megwevong gâgek. Log ham su ahëmin sengën jaḵ pevis. ²⁰In nabë mehöti ahë sengën, og su yoh vu bë gevong ngaa niröp gëp Anutu mala rë. ²¹Om ham gwevu ngaa nipaya pin sën nahën neggëp loḵ ham ayomin lo los ngaa sën su yohvu rë lo na. Log ham gurek gâgek sën Anutu yö varoh luḵ ya ham ayomin lo babu, in gâgek sënë yoh vu bë geḵo ham anomin nah vu Anutu.

²²Ham tamuin Anutu yi gâgek. Ham su gwengö meris mu, gaḵ bë ham gwengö meris mu, og sagaḵ ham tetuhin ham. ²³Mehöti bë genö Anutu yi gâgek meris gesu sepa doḵ rë, og saga nebë sën mehöti nelë mala loḵ dubdub. ²⁴Lë mala, loḵ ya, lob pevis bekwa virekin mala ggökin. ²⁵Lob ngaa nipaya neduu hil ahon, rëk Anutu yi gâgek nivesa yoh vu bë gelov aggis gegeḵo hil vër nah vu yi. Lob nabë mehöti sepa doḵ yi gâgek nivesa begevong noh vu, log su genö gekwa birekin rë, gaḵ yö medo sepa doḵ, og gâgek saga rëk gevong bekwa vesa jaḵ buk pin. ²⁶Log nabë mehöti kwa bo nabë, “Sa mehö-bël-yi nivesa mesengö najom raḵ vu Anutu rot!” rëk mu su negin daggen nivesa rë, og sagi yö kuungin yi, lom yö ḵo yi raḵ los nejom raḵ meris mu. ²⁷Bë hil hevongin bë natu Kerisi-yi-alam nivesa gehil ngaa nipaya su gëp hil Amad Anutu mala rë, og hil gevong nabë

sënë: Hil adok vu hur meten losho avëh alov sën denetok vu maggin lo, log hil najom hil ahon in ngaa nipaya sën alam-dob-yi deneseпа loқ lo.

Hil Kwad Gevongin Alam Pin Gëp Ti

2 ¹Sarig lo! Ham ayomin neya timu vu hil Mehöböp Yesu Kerisi, Mehöböp sën niwëek los arë böpata lo. Om ham su gwelë mehönon nij navi benapisek in vahi megweko jak, gegweruu demimin vu vahi. ²Ham kwamin bo rë! Bë ham ngupin ham dok dub in bë najom jak na vu Anutu, lob mehöti getung seges vegöv dok sekë bejöp röpröp nivesa rot benök vu ham, log mehö-kupek-masën ti jöp röpröp nipaya benök geving, ³og ham neli mehö sën neröp röpröp los trases nivesa lo loқ yok beham nenër vu bë, “Genam gemedo jak säa nivesa sagi!” Log tum ham nenër vu mehö ngwë sën kupek masën lo bë, “Hong saga og gebare na sagu!” ma, “Genam gemedo dok sa vahağ!” ⁴Bë ham gwevong nabë sënë, og ham neseggi ham vahi bë nijvesa gevahi bë nijpaya, geham neko ham rak in bë ham gwengö mehönon hir gağek beğooin sir jak noh vu ngo kwamin nipaya saga.

⁵Sarig lo, sahëg neving ham, om ham gwengö rë! Yik alam sën alam-dob-yi pin denelë sir bë ngaa meris in hej kupek ma lo, og Anutu ggooin sir rak in bë denatu alam-los-bengöj-vongvingsën-yi. Lob nër bë rëk gevong yi Nyëg vu alam sën ahëj neving yi lo benatu hir ngaa, om rëk gevong vu alam meris sagi. ⁶Rëk mu ham nevonğ nimumsën vu alam-kupek-masën! Ham ngo rak ni ggovek bë alam-los-bengöj-ggoreksën sënë denedeğinengin ham medenevo maggin vu ham, gedeneko ham ya kot. ⁷Log ham tu Yesu-yi-alam barë rak neggëp ham, rëk alam-los-bengöj-ggoreksën sënë denenër pelësën rak yi, rëk ham neko sir rak in-a? ⁸Bë mëm ham sepa dok Anutu-yi-kapiya og mëm. Sën dekevu horek los bengö meneggëp loқ lo bë, “Ahëm geving alam sën denedo dus vu hong lo nabë sën ngo ahëm neving hong.” ⁹Gağ bë ham gwevong nivesa vu mehö ngwë geham gweruu demimin vu ngwë, og ham nevonğ paya beğağek neggëp vu ham. Lob horek sënë tato bë ham kweyëh. ¹⁰In nabë mehöti sepa dok horek pin rëk keyëh horek timu, og sënë nebë keyëh horek pin. ¹¹Hil arak ni bë Anutu nër nebë sënë nebë, “Su gwevong baggëb!” Log nër ving nebë, “Su gengis mehönon medenadiik!” Om nabë su gevong baggëb rë, rëk gësis mehöti mediik, og kweyëh Anutu yi horek meğağek neggëp vu hong. ¹²Ham kwamin bo nabë Anutu rëk seggi ham gağek jak horek mewis sën Yesu ko yam in bë geko hil vër in ngaa nipaya lo. Om ham nanër gağek los gwevong ngaa noh vu horek sagi. ¹³Yönon! Nabë mehöti su kwa paya in mehö ngwë rë, og Anutu rëk gevong nyëvewen dok nah yi ngaa nipaya pin gesu rëk kwa paya in yi rë. Gağ mehöti bë kwa paya in mehö ngwë, og su rëk gönengin buk sën Anutu gengö gağek meseggi lo rë.

Vongvingsën Los Huk

¹⁴ Arig lo! Ham kwamin bo rë! Mehöti bë nanër nabë nevonğ ving Kerisi rëğ mu su vonğ nğaa nivesa ti in bë doğ vu mehö ngwë rë, og yi vonğvingsën tu nğaa meris. Gağ su yoh vu bë geğo yi nah vu Anutu rë. ¹⁵ Bë tob nama in ham arimin ti, ma avëhnömin ti, genos namain sir geving, ¹⁶ lob mağ bë ham ti nanër betalam nabë, “Genah los kwam vesa! Log ġebenguh hong nengwah geğegwa nos bahëm napup!” Geham su vonğ yonon rë, og sagağ mağ ham loğ vu yi? Ma!

¹⁷ Log vonğvingsën og yiğ nebë sënë! Nabë ġëp meris gesu gevonğ huk nivesa banon jağ rë, og nğaa meris geham vonğvingsën sagi tu diiğsën. ¹⁸ Rëğ mu mehöti mağ rëğ nanër nabë, “Meho la denevonğ ving gemhö la denevonğ huk nivesa.” Bë nanër nabë saga og sëğ nanër nah vu yi nabë, “Ġetato hong vonğvingsën meris sën huk nivesa vesa main ağı vu sa, og mëm sëğ tato sa huk nivesa vu hong in ġejağ ni nabë sa nehevonğ ving Yesu yonon. ¹⁹ Ġenevonğ ving nebë Anutu timu yö nedo? Sagağ nivesa! Rëğ mu Satan yi hur denevonğ ving ġağek saga ving medenegğönengin sir rot, rëğ su denetu yi alam rë! ²⁰ Om hong duğin meğenek-wetul lok! Ġenevonğin bë sa tato vu hong nabë ġevonğ ving mu, gağ su ġevonğ huk nivesa ving rë, om hong vonğvingsën tu nğaa meris-a? ²¹ Wirek hil dobahë Abraham bë nalu Isaak rağ ya jepö in bë besi yi natu seriveng vu Anutu. Nebë sënë lom Anutu nër yi loğ buk sënë bë yi mehö niröp anon, og yiğ degwa rağ sënë. ²² Om ġerağ ni bë vonğ ving mevonğ huk nivesa ving. Lob yi huk sënë netato bë nevonğ ving yonon. ²³ Lob ġağek sën dekevu menegğëp loğ Anutu-yi-ğapiya lo anon rağ. Nebë, “Abraham vonğ ving Anutu om sën nër yi nebë mehö niröp.” Log nër bë yi mehö yi. ²⁴ Om gwëbeng sënë ham rağ ni bë Anutu su rëğ nanër mehöti nabë yi mehö niröp jağ yi vonğvingsën meris mu rë, gağ nabë ġevonğ huk nivesa geving og mëm.

²⁵ Log avëh-baggëb Rahap yiğ nebë sënë! Neğin mehö luu sën Yosua vonğ beluhu deya ġasöm medenelë Yeriko lo nivesa, betato aggata ngwë vu luho bedeyoh medeyah. Nebë sënë lob Anutu nelë Rahap nebë yi avëh niröp rağ degwa sënë. ²⁶ Hil arağ ni bë: Bë hil anod su medo doğ hil navid rë, og hil rëğ nadiiğ. Lob yiğ nebë sënë. Hil bë ġevonğ geving meris gesu ġevonğ huk nivesa geving rë, og hil vonğvingsën yiğ tu diiğsën nebë sënë.

Hil Ġëgin Dagged Nivesa

3 ¹ Arig lo, ham nğahiseğë su kwamin bo nabë ham natu tatovaha, in hil arağ ni bë Anutu rëğ seggi tatovaha hir ġağek bepelë sir rot kesuu alam meris. ² Lob hil ayoh paya in nğaa aggagga nğahiseğë, rëğ mu nabë mehöti su nanër ġağek ti paya rë, og yi mehö nivesa rot beyoh

vu bë gëgin navi nivesa los dahis geving. ³Ham kwamin bo hoos rë! Hil nesala aën dus teka loḵ hoos avij in bë nengaj yes jaḵ medesepa doḵ hil kwad, lob mëm hil nepeggin anoj pin raḵ ngaa mahen teka sënë. ⁴Log ham kwamin bo jaḵ sip geving rë! Sip sënëḵ ngaa böpata rot, log sang nevë böpata benevongin bë geḵo na jeggin jeggin, rëḵ mu sip yi gang ma aën teka sën neḵo neru seggi lo, og yik ngaa mahen teka rot, rëḵ nepeggin sip meneya yoh vu sën kapten kwa nevo lo.

⁵Lob yik hil dagged nebë sënë. Hil anod böp gedagged mahen rot, rëḵ mu sagi sën nevengwëng böpata los neḵo hil raḵ nebë hil rëḵ gevonḡ huk böp los arë. Ham kwamin bo nengwah rë. Nengwah mahen teka, og yoh vu bë doḵ nyëḡ mega kele lu ngaa pin. ⁶Lom hil dagged nebë nengwah ving. Nedo loḵ hil navid vuheng atov, rëḵ nevong ngaa nipaya aggagga benevong behil nid paya neraḵ los dahis. Ḳo ngaa nipaya vu Satan benevong benegwang ya hil ayod los hil huk pin. ⁷Hil ayoh vu bë gaḵo reggu bemën agga ti ti lo vu vos ayo behil gevonḡ bermalaj yes jaḵ. Sok genyël gengaa pin sën deneggëp loḵ loo ayo lo ving. Lob mehö la denevong nebë sënë ggovek ya. ⁸Alam sën denedo revuh lo denenër gaḡek loḵ ya alam ayoj in bë demedo jevuh geving. Yik nebë sën hil nehehin nos gahis loḵ huk lo in bë anon jaḵ. Log nabë hil medo jevuh og yik rëḵ ngis anon sepasën aggata niröp. ⁹Hil nehaḵo Mehöböp Yesu luho hil Amad arëj raḵ raḵ hil dagged, log hil nehevong nevud vu mehönon raḵ hil dagged ving, lom sënëḵ hil nanër gaḡek pelësen raḵ Anutu in nesemu hil mehönon behil nid nebë yi Anutu. ¹⁰Gaḡek luu neverup raḵ hil avid timu. Ngwë sën hil nehaḵo Anutu arë raḵ, gengwë gaḡek nipaya. Om arig lo, hil su gevonḡ nabë sënë! ¹¹Bël veduveḵ los loo ahëggin su nebegi verup loḵ len timu rë. ¹²Arig lo! Maḵ mori yoh vu bë ngis anon vud-a? Ma prut jes yoh vu bë ngis anon mori? Ma! Lob yik nebë sënë: Loo su yoh vu bë begi berup bël nivesa rë.

Huk Nivesa Neyam Vu Anutu

¹³Maḵ ham ti yi mehö los kwa böp beneraḵ ngaa ni? Om mëm mehö sënë sepa doḵ aggata niröp begevong huk nivesa. Su geḵo yi jaḵ jaḵ, gaḵ gevonḡ ngaa pin los kwa in tato yi rangah vu alam pin medejaḵ ni. ¹⁴Rëḵ mu nabë ham medo los ayomin ngis yi vu mehö ngwë, geham gwevonḡ huk pin in bë gweḵo arëmin jaḵ kesuu mehö ngwë, og ham su gweḵo ham jaḵ in ngaa saga in saga nekevoh gaḡek anon ya. ¹⁵In ngaa pin sënë og su neyam vu Anutu rë, gaḵ sënëḵ ngaa dob yi mu geneyam ggëp mehönon los Satan yö kwaj. ¹⁶In nabë mehö la ayoj ngis yi vu mehö ngwë, gedegevongin nabë denatu böp kesuu alam vahi, og alam nebë sënë su rëḵ demedo jevuh ti rë. Gaḵ ham rëḵ gwelë nabë alam nebë saga yö rëḵ medo degevong ngaa nipaya agga ti ti lo los dahis.

¹⁷Rëḵ mu ngaa los kwa pin sën neyam vu Anutu lo, og sagaḵ nivesa pin gengaa nipaya su nesarömin loḵ ving rë. Lob ngaa nebë saga

nevonḡ balam denedo revuh ti gedenahubin sir. Nevonḡ balam malaj yes medenenḡo ḡaḡek medenero gekwaj pesivin alam sën denetōḡ vu maggin lo medeneloḡ vu sir. Log nḡaa sën neyam vu Anutu agi nevonḡ balam denevonḡ nivesa vu alam pin neggëp ti, gesu ayoj luu rë. ¹⁸ Alam sën denedo revuh lo denenër ḡaḡek loḡ ya alam ayoj in bë demedo jevuh geving. Yik nebë sën hil nehehin nos ḡahis loḡ huk lo in bë anon jak. Log nabë hil medo jevuh og yik rëḡ ngis anon sepasën aggata niröp.

Alam Sën Ahëj Neving Nḡaa-dob-yi Lo Og Denesis Beḡo Vu Anutu

4 ¹Ham nesis beḡo vu ham geham nenër ham los ahëmin sengën raḡ degwa va? Degwa nebë ham medo mekwamin nevo nḡaa nipaya aggagga loḡ ayomin benekenḡërin ham. ²Ham ahëmin neving nḡaa aggagga in bë gweko, rëḡ ma, om sën ham kwamin nevo bë ham ngis alam. Ham malamin anonin nḡaa aggagga rëḡ ham su yoh vu bë gweḡo rë, om sën ham ahëmin sengën vu ham beham nesis beḡo. Log ham neraḡ vu in nḡaa, in ham su nekwetaḡ vu Anutu bë doḡ vu ham rë. ³Yönon, ham nekwetaḡ in nḡaa bë Anutu gevonḡ vu ham, rëḡ ma gesu nevonḡ vu ham rë in ham nekwetaḡ paya. Ham nekwetaḡ in nḡaa sën ham ahëmin neving bë semu ham navimin lo mu. ⁴Ham alam ḡaḡek keyëhsën! Alam sën ayoj neya vu nḡaa-dob-yi lo, og denelë Anutu paya bedenesis beḡo vu yi, ma ham su neraḡ sënë ni rë? Gaḡ nabë mehöti ayo na vu nḡaa-dob-yi mu, og nelë Anutu paya benesis beḡo vu yi. ⁵Ma ham nekuung bë Anutu-yi-ḡapiya nër ḡaḡek meris mekuungin hil-a? Sën dekevu meneggëp bë Anutu tunḡ Anon loḡ yam nedo hil lob ahë neving pangësën rot bë hil natu yi nḡaa niröp lo? ⁶Rëḡ mu Anutu neloḡ vu hil yoh vu sën yi ḡapiya nër lo nebë:

“Anutu nilëlin alam sën denëḡo sir raḡ lo
geneloḡ vu alam malaj yes benesemu sir.”

⁷Om ham malamin yes meḡurek Anutu babu, geham dev doḡ megwedu Satan na, og rëḡ beya in ham mena. ⁸Ham na dus jak Anutu, log rëḡ nam dus jak ham. Ham alam niman paya. Ham pesu nemamin in nḡaa nipaya geham su gwevonḡ! Ham alam sën kwamin neya luu luu lo, ham juuk kwamin nipaya sënë na in ham ayomin! ⁹Ham medo los kwamin paya! Ham ngu in ham los ayomin maggin rot! Ham alam sën nenöp gwëbeng agi, ham nöpsën peḡgirin menatu susën. Log ham sën ham kwamin vesa agi, ham peḡgirin ham bayomin maggin jak. ¹⁰Ham dahun ham beḡurek Anutu babu og mëm Anutu rëḡ geḡo ham jak.

Hil Su Tanë ḡaḡek Jak Arid Lo

¹¹ Arig lo, ham su tanë ḡaḡek nipaya jak ham arimin lo. Mehöti bë tanë ḡaḡek nipaya jak ari ti los nanër yi nabë yi mehö nipaya yönon, og sagaḡ nebë sën tanë ḡaḡek nipaya raḡ Anutu yi horek benër bë horek nipaya.

Gaḱ nabë ḡepelë horek og sënë nebë su ḡenesepa loḱ rë, gaḱ ḡeneḱo hong raḱ in bë ḡenatu jaas meḡeseggi horek. ¹²Gaḱ yiḱ mehö perurek timu nedo benevo yi horek vu hil. Log mehö sënë perurek timu tu jaas beyoh vu bë ḡeḱo hil nah vu yi, geyoh vu bë ḡevong behil malad nama. Ma ḡenukuung bë hong re om sën bë ḡeseggi hong alam-ë?

Hil Su Ḡaḱo Hil Jaḱ Vu Anutu

¹³Kë! Log ham vahi sën ham nenër nebë, “Pehi, ma neheng, rëḱ mëm hil ana nyëḡ böp sagu ma sënagu, bemëm hil ḡevong huk bisnis noh vu ta ti behil ḡaḱo monë ḡahiseḱë jaḱ!” Rëḱ sa nanër vu ham nabë, ¹⁴“Ham su raḱ ḡaa sën rëḱ natöḱ vu ham neheng lo ni rë!” Gaḱ ham nebë beggob ḡuggop sën netelë in bë nyëḡ ḡeheng benegḡëp dus teka loḱ nemaya pevis lo. ¹⁵Om mu maḱ ham nanër nabë sënë, “Nabë Mehöböp kwa, og hil medo vesad mehil ḡevong ḡaa sënë ma ḡaa sagu.” ¹⁶Rëḱ ham ḡo neḱo ham raḱ benenër bë ham rëḱ ḡwevong huk böp böp, rëḱ ḡaa nebë sënë og nipaya. ¹⁷Om ham kwamin bo rë! Mehöti sën neraḱ ḡaa ti ni nebë ḡaa nivesa rëḱ mu su nevong yoh vu rë lo, og nevong ḡaa nipaya benegḡëp vu yi.

Ḡaḡek Raḱ Alam Sën Hir Ḳupeḱ Ḡahil Lo

5 ¹Om sa bë nanër ḡaḡek ti vu ham alam los bengömin ḡgoreksën! Ham kwamin bo ḡaa maggin pin sën vongin natöḱ vu ham lo, beham ngu los ḡwengeeḱ pangsën in ham. ²Ham ḱupeḱ los vuneḱsën pin sënë nepetar ya, log jeluj nelov ham tob lu ḡaa benemaya. ³Geham goor los seriva nipaya neraḱ, lob saga netato rangah nebë ham nevong ḡaa nipaya beham rëḱ ḡweḱo nyëvewen doḱ nah. Lob nyëvewen rëḱ ḡevong paya vu ham navimin nabë sën monë nipaya neraḱ agi. Beyiḱ rëḱ nabë nengwah bega ham in ham nesupin ḡaa nivesa vesa vu dob sënë in ham kuung bë rëḱ doḱ vu ham vu tamusën, rëḱ mu rëḱ nama. ⁴Om ham ḡwengö rë! Ham netetuhin alam sën denevong huk vu ham medenevo ham nos anon lo, geham nejom hir monë vewen ahon. Ham nevong ḡaa nipaya rot nebë saga, lob alam sagi denesu böpata bededun neya vu Mehöböp Niwëëḱ los Ḡayeheng. ⁵Ham nedo dob, lob ham ḱo ḱupeḱ nivesa vesa pin. Ham nevong ḡaa pin sën ham ahëmin neving lo, geham su nehönengin ḡaa ti rë. Ham newa nos ḡahiseḱë rot beham nerig böpata, rëḱ buk sën dengis ham nadiiḱ lo dus raḱ geham duḡin. ⁶Ham nër alam yohvu bë nij paya, lob ham sis sir medediḱ rëḱ su denesis ham loḱ yah rë.

Hil Bare Nid Wëëḱ Meḱerë Maggin Ḡeḡgin Mehöböp

⁷Nebë sënë om arig lo! Ham naḱöök menajom ham ahon beham medo ḡweḡin sën Mehöböp duḱ nom lo. Ham kwamin bo mehö sën nevaroh yi

nos lo rē! Nejom yi ahon beyö köök medo neġin hob bē geto in nos nakip bejig gengis anon in natök jaḵ nos anon nivesa. ⁸Om ham najom ham ahon menaḵöök bemedo gweġin Mehöböp nabē sēnē! Ham medo nimin wēek, in yi buk sēn duk nom lo dus neraḵ.

⁹Arig lo, ham su gwelē ham paya, beham su gwebul nah nenga, in jaas nare yam dus in bē geŋgo ham ġaḡek begevong doḵ nah ham nipaya saga nyēvewen. ¹⁰Arig lo, ham kwamin bo alam sēn denenēr Anutu yi ġaḡek rangah wirek lo rē! Maggin töḵ vu sir rot, rēḵ denejom sir ahon medenedo, om ham sepa doḵ vahaj megwevong nabē sir. ¹¹In hil nanēr nabē alam sēn denejom sir ahon lo kwaj vesa. Log ham ŋgo Yop yi ġaḡek bē maggin böpata töḵ vu yi rēḵ jom yi ahon rot. Loḵ tum vu tamusēn lob Mehöböp vo ŋгаа nivesa vu yi ggökin yah. In Mehöböp kwa nevonġin hil rot benevonġin bē doḵ vu hil.

Hil Su Nanēr Ġaḡek Nabē Yönon Rot Gevavunē

¹²Rēḵ mu arig lo, ġaḡek böp ti nahēn neggēp! Ġaḡek sēnē nebē: Ham su nanēr yaḡek los dob in bo niwēek vu ham ġaḡek, geham su nanēr yönon vavunē! Gaḵ yīḵ ham ngoḡek in mu nabē, “Ēē-ē!” og ggovek. Genabē ma, og ham nanēr niröp nabē, “Ma!” beyīḵ ggovek. In Anutu rēḵ bo nipaya nyēvewen doḵ nah vu ham.

Alam Yohvu Hir Jomraḵsēn

¹³Bē ham ti natök vu maggin, og mēm yi yō najom jaḵ vu Anutu. Log nabē ham ti ahē nivesa los kwa vesa, og gevong raro in geḵo Anutu arē jaḵ. ¹⁴Bē ham ti nijak, og mēm tahi ham sēn Kerisi-yi-alam lo ham ggev lo nabē nam denanēr Mehöböp arē gedejikin wēl* jaḵ mehö sēn niraḵ lo. Gemēm denajom jaḵ na vu Anutu nabē doḵ vu mehö sagi benivesa jaḵ nah. ¹⁵Log nabē ayoj na timu vu Anutu yönon gedenajom jaḵ nabē sēnē, og mēm Mehöböp rēḵ gevong bevesa doḵ nah. Log nabē yi ŋгаа nipaya la neggēp vu yi, og Mehöböp rēḵ dahun na geving. ¹⁶Om ham nanēr ham ŋгаа nipaya rangah vu arimin lo, log ham najom jaḵ na vu Anutu nabē Anutu gevong beham nimin vesa jaḵ. In mehö sēn nesepa loḵ Yesu yönon lo bē najom jaḵ, og yi jomraḵsēn sēnē los niwēek. ¹⁷Elia og yīḵ yi mehōnon mu nebē hil, rēḵ mu jom raḵ niwēek vu Anutu bē hob su geto jaḵ, lob nyēg vang gehob su to raḵ rē yoh vu ta löö gekwev nemadvahi-bevidek-ti. ¹⁸Loḵ jom raḵ yah, lob hob to raḵ ggökin, bemēm nos lu ŋгаа sēn denevaroh loḵ ya dob lo nekip.

Hil Ġaḵo Mehö Sēn Neketul Loḵ In Aggata Lo Nom

¹⁹Arig lo, bē ham ti gērīn yi nah vu ŋгаа nipaya rēḵ ngwē geḵo yi nom gökin, ²⁰og ham jaḵ ni nabē mehōti sēn ḵo ngwē yom in yi ŋгаа nipaya lo, og mehö sēnē yō ḵo anon yom vu Anutu bemēm rēḵ medo mala-tumsēn. Lob Anutu rēḵ gelē mehö ngwē sēn ḵo ngwē vēr in ŋгаа nipaya lo nivesa bedahun yi ŋгаа nipaya pin na.